

BULETIN ANTARA KITA

JABATAN PENDAFTAR,
UNIVERSITI SAINS MALAYSIA
KELUARAN 1/2019



Selamat Hari Raya Aidilfitri 1440
Maaf Zahir & Batin



Daripada:
Ahli Jawatankuasa Eksekutif (Exco) Pendaftar,
Universiti Sains Malaysia



KATA ALUAN PENDAFTAR

Assalamualaikum dan Salam Sejahtera.

Terlebih dahulu saya ingin mengucapkan ribuan terima kasih diatas penerbitan Buletin Antara Kita yang sedikit sebanyak dapat menjadi ruang perkongsian maklumat sesama warga kampus.

Melangkah sukuan ke-3 2019, pelbagai aktiviti telah dilaksanakan dengan jayanya di USM ini. Antara aktiviti besar yang telah dilaksanakan adalah termasuk Perutusan Tahunan Naib Canselor, pengajuran Karnival Pendidikan Tinggi 'Jom Masuk IPT', Career Fair 2019, Temasya Olahraga Tahunan (TOT), Majlis Iftar Perdana dan sebagainya.

Seperti yang kita sedia maklum, 2019 merupakan tahun yang begitu istimewa buat warga USM. USM menyambut sambutan 50 tahun penubuhannya. Sehubungan ini, pelbagai aktiviti telah dirancang bagi memeriahkan sambutan ini. Bagi sukuan pertama dan kedua tahun ini, beberapa aktiviti besar merangkumi kesemua kampus telah dilaksanakan. Antaranya Konvoi Amal 50 tahun USM, Kayuhan Santai Sambutan 50 tahun USM, Larian Obor 50 tahun USM dan sebagainya.

Dalam kemeriah sambutan tersebut, usaha peningkatan kecekapan dalam tadbir urus universiti diteruskan melalui pelbagai inisiatif dan inovasi dalam pentadbiran. Bagi tahun 2019, saya menetapkan lima (5) fokus utama dalam meningkatkan kualiti penyampaian perkhidmatan. Lima (5) fokus utama tersebut adalah pelaksanaan Format Baharu Penilaian Prestasi Staf Bukan Akademik, Nisbah Staf Akademik dan Bukan Akademik, Mengaplikasikan Kerangka Kompetensi - Latihan dan Kenaikan Pangkat, Kebajikan Staf- Kadar Rawatan Baharu dan Business Process Automation. Kesemua fokus utama ini akan digerakkan dengan kerjasama daripada setiap PTJ.

Bagi menterjemahkan kelima-lima fokus ini kepada pelaksanaan dan tindakan, institusi pentadbiran khususnya Pegawai Tadbir Universiti akan diperkuuhkan lagi melalui sembilan (9) kluster pentadbiran yang merangkumi bidang tugas utama dalam tadbir urus universiti. Kluster-kluster ini akan menjadi sebagai platform pembangunan bakat melalui inisiatif-inisiatif pentadbiran yang secara langsung akan memberikan impak kepada peningkatan kualiti kecekapan penyampaian perkhidmatan dan seterusnya menjadi pelengkap kepada agenda untuk memastikan proses kerja lebih efisyen dan sistematis.

USM akan menjadi tuan rumah kepada Majlis Perbarisan Tamat Latihan dan Penyampaian Sijil Pelantikan Pegawai Kor Suksis Universiti Awam pada 4 Ogos 2019, Hari Warga Universiti Sains Malaysia pada 17 Ogos 2019 dan kemuncaknya pada Upacara Konvokesyen Komemoratif Sempena Sambutan USM ke 50 Tahun dan Upacara Konvokesyen USM kali ke 57 yang akan diadakan dari 23 hingga 29 September 2019.

Untuk melaksanakan semua agenda dan aktiviti sepanjang tahun 2019 ini memerlukan kerjasama yang erat daripada pelbagai pihak. Saya amat yakin dan percaya dengan kerjasama daripada semua pihak dan dengan semangat kerja berpasukan yang tinggi, kita mampu melaksanakan dengan jayanya. Akhir kata, saya juga ingin mengambil kesempatan ini mengucapkan Selamat Hari Raya Aidilfitri kepada seluruh warga USM yang beragama Islam. Maaf, zahir dan batin.

Dr. Musa Hj. Ali
Pendaftar

Isi Kandungan

- | | |
|-------|----------------------|
| 2 | Kata Aluan Pendaftar |
| 3-10 | Berita Semasa |
| 11 | Cakna Staf |
| 12-14 | Berita Semasa |

Sidang Redaksi

Penasihat

Dr. Musa Hj. Ali

Ketua Editor

Mohd Zulkarnain Mohamad Tajulariffin

Editor

Mohammad Shafiq Bin Abdul Aziz

Pengarang & Penyediaan Artikel

Pejabat Pendaftar

Bahagian Sumber Manusia

Bahagian Pengurusan Akademik

Rekabentuk Grafik

Zainudin Salman

KLUSTER PENTADBIRAN MANTAPKAN PTU USM



Universiti Sains Malaysia telah menujuhkan 9 Kluster Pentadbiran yang terdiri daripada Kluster Pengurusan Majlis & Perhubungan Awam, Kluster Pengurusan Governan, Kluster Pengurusan Jaringan Masyarakat & Antarabangsa, Kluster Pengurusan Hal Ehwal Pembangunan Pelajar, Kluster Pengurusan Sumber Manusia, Kluster Pengurusan Penyelidikan, Kluster Pengurusan Akademik, dan Kluster Pengurusan PTJ/Unit. Kluster Pentadbiran ini yang dianggotai oleh kesemua Pegawai Tadbir Universiti USM akan berupaya meningkatkan kualiti perkhidmatan PTU USM melalui pelbagai kaedah antaranya kaedah mentor dan mentee, perjumpaan berkala, penganjuran program bersama dan sebagainya. Secara tidak langsung, Kluster Pentadbiran ini akan dapat memantapkan PTU USM daripada semasa ke semasa.

Dalam mencapai objektif tersebut, pada 12-14 April 2019 telah diadakan Makmal Pengurusan Kecemerlangan Bakat PTU USM di Kangar, Perlis. Program ini berfokuskan kepada pembangunan pelan tindakan secara berstruktur melalui kluster pentadbiran. Dr. Musa telah memulakan program dengan membentangkan dan berkongsi bersama PTU tentang lima (5) Cabaran Pendidikan Tinggi, antaranya ialah peningkatan kos

pengurusan IPT, pendekatan baru yang drastik (Industri 4.0) VS tradisi, program akademik VS permintaan/keperluan negara/antarabangsa, peningkatan ekspektasi untuk transperensi dan akauntabiliti dan pengurusan bakat (*Gig-economy*).

Di dalam sesi tersebut, Dr. Musa juga memetik tentang lima (5) peranan utama pegawai tadbir universiti hasil dari tulisan Prof. Juhary Ali. Antara peranan utama pegawai tadbir universiti adalah kebolehan merancang, kebolehan mengurus, kebolehan mengurus staf, kebolehan memberi motivasi dan kebolehan menilai.

Para peserta juga berpeluang untuk berkongsi dan berbincang tentang Pelan Strategik USM 2019-2021 dalam kontek pelaksanaannya dari sudut pentadbiran khususnya peranan PTU untuk merealisasikan agenda universiti secara bersama. Terdapat lapan (8) *Key Focus Areas* dan empat (4) enablers yang mendokong hasrat untuk merealisasikan pelan strategik yang telah dirancang.

Antara pesanan daripada Ketua Setiausaha (KSU) KPM (Pendidikan Tinggi) kepada kesemua pendaftar yang dikongsikan oleh Dr. Musa Hj. Ali; *What is a good University's Administrator? Pertama, you have to command the Big Picture (Beyond your routine duties) and Master the Details : Being referred. Kedua, formula kejayaan sebagai pentadbir muda: think higher grade (Contoh N44 think as N48)*

Kesimpulannya Dr. Musa berkongsi berkenaan kepentingan memahami peranan dan kaedah bagaimana PTU memainkan peranan untuk menjayakan agenda universiti. PTU melalui kluster yang dibentuk hendaklah memahami hala tuju (Pelan Strategik USM), menguasai kompetensi teras, mewujudkan sinergi melalui kluster, pendekatan Business Process Automation, dan perlu merancang serta memantau prestasi melalui MyPerformance. AK



TEKNOLOGI MEMANTAPKAN PTU USM – NOOR AZAM



Perkembangan teknologi masa kini telah menuntut keseluruhan tenaga kerja dalam sektor awam dan swasta untuk menjadi IT Savvy dan mengamalkan prinsip mobile workforce dalam kerja seharian. Sejajar dengan itu, Pegawai Tadbir Universiti Sains Malaysia (PTU USM) juga bersama-sama dalam arus perkembangan teknologi masa kini. Kita yakin dan percaya bahawa penggunaan teknologi dapat memantapkan kualiti perkhidmatan PTU USM dan mempercepatkan proses kerja yang sedia ada.

Encik Noor Azam Mohd Noor, Ahli Lembaga Gabenor Universiti, USM telah dijemput untuk berkongsi pengalaman dan menyampaikan ceramah kepada lebih 120 orang Pegawai Tadbir Universiti di Program Pengurusan Kecemerlangan Bakat Pegawai Tadbir USM pada 12 hingga 14 April 2019 di Kangar, Perlis.

Memulakan sesi dengan perkongsian situasi semasa terhadap kemajuan teknologi maklumat dalam konteks pentadbiran, Noor Azam memberikan contoh revolusi teknologi smart phone yang semakin hari semakin canggih dengan mengikut keperluan orang sekeliling.

Selain menekankan aspek kepentingan teknologi dalam pengurusan maklumat yang lebih cekap dan pantas, beliau turut

memberi fokus kepada proses kerja yang perlu dilihat semula agar iaanya seiring dengan perkembangan teknologi yang pantas. Beberapa aplikasi percuma diperkenalkan, antaranya adalah aplikasi QR Code (Quick Respond Code) dalam pendaftaran peserta (melalui WhatsApp), aplikasi Kahoot! aplikasi pengurusan pungutan suara/jawapan (voting process), aplikasi TRELLO, aplikasi yang memberi maklumat berkenaan situasi aktiviti/kerja dalam pasukan dan meningkatkan komunikasi dalam pasukan.

Turut dikongsi kepada pegawai tadbir universiti adalah Cross Functional Team yang merupakan salah satu kaedah yang dapat meningkatkan kecekapan kerja dalam pasukan. Antara kelebihan yang akan diperoleh dalam Cross Functional Team adalah Information Flow yang tepat dan cekap, pembinaan pasukan yang kuat, efektif dan non-silo seta peningkatan kompetensi, keyakinan diri dan pasukan.

Diakhir sesi, Noor Azam menegaskan agar Pegawai Tadbir Universiti perlu melengkapkan diri dengan teknologi terkini agar iaanya dapat membantu meningkatkan kecekapan dalam urusan pentadbiran di USM. Kaedah dan cara kerja lama akan tidak lagi relevan khususnya dalam dunia serba pantas pada hari ini. AK



MAJLISIFTAR PTU USM MERIAH DENGAN KEHADIRAN NAIB CANSELOR DAN PEGAWAI TADBIR UNIVERSITI AWAM



17 Mei 2019, Majlis Iftar Pegawai Tadbir USM telah berlangsung dengan meriah. Buat pertama kalinya Majlis Iftar Pegawai Tadbir USM peringkat Kampus Induk, Kampus Kejuruteraan, IPPT dibuat secara bersama-sama di Masjid Al Malik Khalid, Kampus Induk USM, Pulau Pinang. Istimewanya majlis iftar ini, semua pegawai tadbir USM bergotong royong menyediakan juadah berbuka puasa sejak dari pagi bermula dengan penyediaan keperluan memasak sehingga penyeianan makanan berbuka puasa. Yang menjadi keunikan pada kali ini adalah, aktiviti gotong royong ini dijayaikan oleh kumpulan pegawai tadbir yang melaksanakan pecahan tugas yang berbeza mengikut kluster pentadbiran masing-masing.

Majlis Iftar ini dilengkapkan lagi dengan sesi tazkirah ringkas daripada Encik Mohd Amirullah Bin Zainal Abidin, Ketua Penolong Pendaftar, Bahagian Sumber Manusia dan disusuli Ustaz Mohammad Shukri Bin Osman, Pengarah Pusat Islam.

Majlis Iftar Pegawai Tadbir USM dimeriahkan dengan kehadiran Naib Canselor USM dan juga pegawai-pekerja tadbir universiti awam yang menghadiri Mesyuarat Jawatankuasa Sumber Manusia Universiti Awam (JKSMUA) di Bangunan Eureka USM pada hari yang sama. Majlis Iftar Pegawai Tadbir USM telah dihadiri oleh hampir 80 orang pegawai tadbir universiti, mantan-mantan pegawai tadbir, Presiden Kesatuan Kakitangan Am USM, Ahli Jawatankuasa Kelab Jasa Budi dan tetamu daripada universiti awam. **(AK)**



USM TUAN RUMAH MESYUARAT PERTAMA JAWATANKUASA SUMBER MANUSIA UNIVERSITI AWAM MALAYSIA

17 Mei 2019. Mesyuarat Jawatankuasa Sumber Manusia Universiti Awam pertama negara telah diadakan dengan jayanya di Universiti Sains Malaysia. Mesyuarat ini telah dipengerusikan oleh Dr. Musa Hj. Ali, Pendaftar USM merangkap Pengerusi Jawatankuasa Sumber Manusia Universiti Awam. Jawatankuasa ini merupakan gabungan dua jawatankuasa iaitu Jawatankuasa Sumber Manusia (JASUMA) dan Jawatankuasa Latihan Universiti Awam (JALUMA). Universiti Sains Malaysia telah diberikan penghormatan untuk menjadi Pengerusi kepada jawatankuasa yang buat pertama kalinya diadakan di negara ini.

Mesyuarat Jawatankuasa Sumber Manusia Bil.1/2019 telah dihadiri seramai 41 orang pegawai yang terdiri daripada Ketua Bahagian Sumber Manusia (Pengurusan Sumber Manusia) dan Ketua Bahagian Sumber Manusia (Pengurusan Latihan) dan Ketua/wakil Pengurusan Hospital Pengajar.

Ahli-ahli mesyuarat juga menghadiri Majlis Iftar Pegawai-pegawai Tadbir USM selepas daripada Mesyuarat Jawatankuasa Sumber Manusia berlangsung. AK



MAKMAL PEMBANGUNAN INSTRUMEN PELAN PENGGANTIAN BERASASKAN PENILAIAN 360 DARJAH UNIVERSITI MALAYSIA TERENGGANU

18-20 Januari 2019. Pendaftar Universiti Sains Malaysia telah diberi kepercayaan oleh Universiti Malaysia Terengganu (UMT) untuk mengendalikan Makmal Pembangunan Instrumen Pelan Penggantian - Penilaian 360 Darjah Universiti Malaysia Terengganu. Hasil makmal ini akan dijadikan instrumen bagi pemilihan bakal-bakal ketua jabatan di UMT kelak. Makmal ini disertai oleh beberapa Pegawai Pengurusan Tertinggi UMT, diketuai oleh Profesor Ir. Dr. Noor Azuan Abu Osman, Timbalan Naib Canselor (Akademik dan Antarabangsa), Profesor Ts. Dr. Nora'Aini Hj. Ali (Pendaftar), Prof. Madya Dr. Mariam Taib (Pengarah Pusat Perancangan Pembangunan dan Kualiti Akademik), Encik Abdullah Syukri M.Saleh, (Pengarah Jabatan Sumber Manusia), Profesor Ts. Dr. Noor Maizura Mohamad Noor (Pengarah Pusat Pembangunan Bakat & Inovasi), Prof. Madya Dr. Ruhani Mat Min (Dekan Pusat Pengajian Pembangunan Sosial dan Ekonomi) dan beberapa pegawai kanan yang lain.

Makmal ini dikendalikan selama dua hari di Bilik Seminar PiPPA, Bangunan Eureka. Antara pegawai USM yang terlibat dalam menjayakan makmal ini ialah Dr. Musa Bin Hj. Ali, Profesor Datuk Dr. Ahmad Yusoff Bin Hassan, Profesor Dr. Rozman Bin Hj Din, Profesor Madya Dr. Siti Rohaida Binti Mohamed Zainal, Encik Zulham Bin Hamdan, dan beberapa pegawai kanan dan pegawai teknologi maklumat USM. **(AK)**



TUANKU RAJA PERLIS BERKENAN TERIMA MENGADAP DELEGASI USM



ARAU, 20 Januari 2019 – DYMM Tuanku Raja Perlis, Tuanku Syed Sirajuddin Ibni Al-Marhum Tuanku Syed Putra Jamalullail yang juga merupakan Canselor Universiti Sains Malaysia (USM) berkenan berangkat menerima kunjungan sembah mengadap hormat oleh delegasi USM di Istana Arau, di sini baru-baru ini.

Dalam majlis tersebut juga, Naib Canselor telah memperkenalkan Pengerusi dan ahli LGU yang baharu dilantik kepada Tuanku, serta turut memaklumkan mengenai perancangan aktiviti USM yang bakal menyambut ulang tahunnya ke-50 selain memohon perkenan penetapan tarikh

upacara konvokesyen komemoratif dan upacara konvokesyen ke-57 USM pada September ini.

Turut berangkat bersama mengiringi adalah DYT Tuanku Raja Muda Perlis, Tuanku Syed Faizuddin Putra Ibni Tuanku Syed Sirajuddin Jamalullail.

Delegasi USM diketuai oleh Pengerusi Lembaga Gabenor Universiti (LGU), Dr. Hari Narayanan P. Ondiveeran; ahli LGU yang baharu dilantik, Noor Azam Mohd Noor; Naib Canselor, Profesor Datuk Dr. Asma Ismail dan Pendaftar, Dr. Musa Hj. Ali.

AK



465 STAF TERIMA PENGIFTIRAFAN UNIVERSITI

Naib Canselor Universiti Sains Malaysia (USM), Profesor Datuk Dr. Asma Ismail dianugerahkan Anugerah Jasamu Dikenang bersama-sama dengan Timbalan Naib Canselor Hal Ehwal Pembangunan Pelajar dan Alumni (HEPA), Profesor Dato' Dr. Adnan Hussein yang masing-masing telah bersara wajib dalam tahun 2018.

Anugerah ini telah disampaikan pada Majlis Penghargaan dan Pengiktirafan Universiti 2018 (MPPU 2018) yang telah

diadakan pada 8 Januari 2019 di Hotel Equatorial Pulau Pinang. Seramai 465 staf dari Kampus Induk, Kejuruteraan dan Institut Perubatan dan Pergigian Termaju (IPPT) turut diraikan pada majlis tersebut yang merangkumi tiga anugerah utama iaitu Anugerah Sanjungan Budi seramai 35 orang, Anugerah Jasamu Dikenang (165) dan Anugerah Pengiktirafan Universiti (265).

AK



HAMPIR 75,000 KUNJUNG JOM MASUK IPT



Karnival Jom Masuk IPT 2019 Zon Utara telah berlangsung di Padang Kawad Universiti Sains Malaysia (USM) dari 9 - 10 Mac 2019 dengan jayanya. Karnival ini mencatatkan kejayaan yang luar biasa dengan merekodkan bilangan pengunjung paling ramai sebanyak 74,458.

Karnival Jom Masuk IPT anjuran Jabatan Pendidikan Tinggi (JPT), Kementerian Pendidikan Malaysia (KPM) ini bertujuan untuk memberi peluang kepada orang ramai – lepasan SPM, STPM, Matrikulasi, Diploma, pengetua sekolah, guru, guru kaunseling, ibu bapa, pemimpin pelajar dan masyarakat setempat – bagi mendapatkan maklumat terperinci berkaitan program/rancangan pengajian yang ditawarkan di Universiti Awam (UA), Universiti Swasta, Kolej Komuniti, Politeknik dan Institusi Latihan Kemahiran Awam (ILKA) seluruh negara. Penganjuran pada tahun ini merupakan penganjuran kali ke-9 dimana USM menjadi Urus Setia bersama bagi Karnival Jom Masuk IPT sejak ia pertama kali dianjurkan pada tahun 2005.



Pelbagai acara menarik disediakan seperti pameran dan informasi pengajian dari universiti yang mengambil bahagian, khidmat bimbingan, cabutan bertuah, pemeriksaan kesihatan, pameran kesihatan, kempen derma darah, pameran sains dan inovasi disamping pameran produk keusahawanan dari para pelajar USM.

Antara agensi yang terlibat menyertai pameran adalah Jabatan Pendidikan Politeknik dan Kolej Komuniti (JPPKK), Perbadanan Tabung Pendidikan Tinggi Nasional (PTPTN), Malaysia Qualification Agency (MQA), Bank Simpanan Nasional (BSN), Polis Diraja Malaysia (PDRM), Penang CAT dan Jabatan Pengangkutan Jalan (JPJ).

Karnival ini sememangnya merupakan program tahunan yang dinanti-nantikan oleh pelajar lepasan SPM dan STPM yang berhasrat untuk menyambung pengajian tinggi mereka melalui permohonan UPU. **AK**



BAHAGIAN SUMBER MANUSIA ‘TURUN PADANG’ KE CEMACS



Pada 11 April 2019 (Khamis), bertempat di Bilik Mesyuarat CEMACS, satu Sesi Perjumpaan Pegawai Bahagian Sumber Manusia Bersama Staf Pusat Kajian Samudera dan Pantai (CEMACS) telah diadakan. Seramai empat (4) orang pegawai dari BSM yang diketuai oleh En. Mohd Azizudin Mohd Shariff dan wakil dari Pejabat Perundangan Universiti telah hadir ke sesi tersebut.

Sesi perjumpaan ini merupakan julung kali diadakan dan merupakan inisiatif pihak pengurusan Universiti untuk turun padang ke Pusat Tanggungjawab seperti CEMACS yang terletak jauh dari Kampus Induk. Ia merupakan medium terbaik kepada staf untuk mengutarakan pelbagai soalan dan isu yang berkaitan dengan kerjaya, kebajikan, kemudahan dan lain-lain secara sesi berdialog. Manakala bagi pihak pengurusan, ia merupakan mekanisma baharu dalam menyalurkan maklumat tentang pelan strategik Universiti disamping peningkatan kualiti penyampaian perkhidmatan kepada warga staf.

Sepanjang 2 jam lebih sesi perjumpaan tersebut, pelbagai isu telah dibincangkan di antaranya adalah seperti perjawatan, perkembangan kerjaya, tata tertib, Dasar Pemisah, kebajikan staf dari segi kenaikan kadar kos rawatan perubatan, perlindungan insurans dan elaun insentif kepada staf yang bekerja di CEMACS.

Secara keseluruhan sesi perjumpaan tersebut mencapai objektif yang ditetapkan oleh pihak pengurusan Universiti dalam menyalurkan maklumat terkini dan seterusnya mencari solusi yang terbaik ke arah membantu pencapaian matlamat strategik Universiti. AK

USM PERKASA MyPerformance

Jawatankuasa Pengurusan Universiti (JKPU) dalam mesyuaratnya ke-152 pada 13 Februari 2019 telah meluluskan pelaksanaan format baharu Sasaran Kerja Tahunan (SKT) dan Laporan Penilaian Prestasi (LPP) mulai tahun 2019 kepada staf bukan akademik Universiti yang dikenali sebagai "MyPerformance".



Sebagai permulaan, beberapa taklimat bagi memberi penerangan berkenaan “*MyPerformance*” telah dijadualkan bagi Pusat-Pusat Tanggungjawab yang terlibat dan taklimat ini dijangka selesai pada penghujung bulan Mei 2019. Berikut adalah butiran taklimat yang telah dijadualkan :

BIL.	PTJ / SKIM	TARIKH	MASA	TEMPAT	PENCERAMAH
1	Pegawai Tadbir	13 April 2019	11.00 pagi	Hotel Seri Malaysia, Perlis	Encik Mohd Azizudin bin Mohd Shariff
2	Jabatan Pendaftar	8 Mei 2019	9.30 pagi	Dewan Persidangan Universiti (DPU)	Encik Mohd Azizudin bin Mohd Shariff
3	Pegawai Tadbir, Pegawai Sains, Pegawai Penyelidik, Kampus Induk dan IPPT	9 Mei 2019	9.30 pagi	Dewan Persidangan Universiti (DPU)	Encik Mohd Azizudin bin Mohd Shariff
4	Kampus Kesihatan	12 Mei 2019	9.30 pagi & 2.30 petang	Dewan Persidangan	Encik Mohd Azizudin bin Mohd Shariff
5	Perpustakaan Kampus Induk & IPPT	14 Mei 2019 (Selasa)	9.30 pagi	Academic Lounge, Perpustakaan Hamzah Sendut	Encik Mohd Zulkarnain bin Mohd Tajulariffin
6	PPKT Kampus Induk & IPPT	14 Mei 2019 (Selasa)	2.30 petang	Bilik Seminar PPKT, Aras 2, Kompleks Eureka	Encik Mohd Zulkarnain bin Mohd Tajulariffin
7	Kampus Kejuruteraan	15 Mei 2019 (Rabu)	9.30 pagi	Auditorium Kampus Kejuruteraan	Dr.Amir Imran bin Zainoddin
8	Seksyen Kejuruteraan IPPT & Seksyen Keselamatan IPPT	16 Mei 2019 (Khamis)	2.30 petang	Bilik Seminar ARC, IPPT	Encik Ihsanul Anwar bin Shamsul Rahim
9	Pusat Sejahtera	17 Mei 2019 (Jumaat)	10.00 pagi	Bilik Ibnu Sina, Aras 1, Pusat Sejahtera	Encik Muhammad Fariz bin Ahmad Ali
10	Bahagian Hal Ehwal Pembangunan Pelajar & Alumni Kampus Induk	17 Mei 2019 (Jumaat)	3.00 petang	Dewan Persidangan Siswa 1, Kompleks Cahaya Siswa	Encik Muhammad Fariz bin Ahmad Ali
11	Pusat Penerbit USM	23 Mei 2019 (Khamis)	10.00 pagi	Taman Buku, Pusat Penerbit USM	Puan Norazreen binti Razak
12	Jabatan Pembangunan Kampus Induk	28 Mei 2019 (Selasa)	9.30 pagi	Dewan Persidangan Siswa 1, Kompleks Cahaya Siswa	Encik Muhammad Fariz bin Ahmad Ali
13	Jabatan Keselamatan Kampus Induk	28 Mei 2019 (Selasa)	2.30 petang	Bilik Mesyuarat Jabatan Keselamatan	Encik Ihsanul Anwar bin Shamsul Rahim

PERKONGSIAN ILMU KEPADA PENTADBIR TOYOHASHI UNIVERSITY of TECHNOLOGY (TUT)



Pendaftar USM telah dijemput oleh pihak TOYOHASHI UNIVERSITY of TECHNOLOGY (TUT) untuk menyampaikan perkongsian ilmu yang bertajuk Translating Vision Into Action: The Role Of University Administrators kepada 25 orang pentadbir universiti berkenaan. Perkongsian ilmu tersebut telah berlangsung di TUT - USM Technology Collaboration Centre di Georgetown, Pulau Pinang. Pada perkongsian bersama para pentadbir TUT, Dr Musa Hj. Ali telah berkongsi kepakaran beliau dalam pembinaan pelan strategik dan kaedah-kaedah pemantauan pelan tindakan melalui sistem yang telah dibina di Universiti Sains Malaysia. AK

